

kata teipaiatikonamatizo, ta onicicin kitei naboseto :

Jezos egsacimiang, casenimicinam ; Mani seni-
djanisimiang, casenindamitasicinam ; Jozep gena-
senimiang, gaganotamasicinam ka iji kitcitsa
ningotonjanakisieg kitei iji ningotonjanakisiang.
Jezos, Mani, Jozep, aiamitasicinam icpiming sa-
ksing kitei ijaiang ki nipoiang aking. Kekona ki
ingi.

O Mani ! kin ka siakickagosisan patatosin apito
secki anicinabesian,—gaganotamasicinam naiadji-
nijiminang.

O Jezos ! kin ka minaigon sinzop gaie pinegan,
—casenimicinam.

Jezos ij oteheian, inenimicin eckam eckam kitei
sakihiinan.

*Sekonen nabosésinen ke na'osatek kopesenda-
maganing ?*

Nijinon, kopesesisininabosesin gaie ansenindizo-
sininabosesin.

Nabosatan kopesesisininabosesin.

Ni sindamasa Kije Manito kakina netasitoto,
Kitcitsa Mani kakik taiesanaksesite, Kitcitsa Micen
Ketcianjenisite, Kitcitsa Janbatist, Kitcitsa Pien
gaie Pon Jezosan ka kitei mino anokitasagobane-
nak, kakina saksing endadjik, (kin gaie, nose, ki
sindamon) keget onzam ningi patat ka iji patamito-
nenindamân, ka iji pataikitoian gaie ka iji pata-
totaman.—Nin nindindosin, nin nindindosin, nin
ni kitei nindindosin ; mi sendji pagosenimagsa
Kitcitsa Mani kakik taiesanaksesite, Kitcitsa Mi-
cen Ketcianjenisite, Kitcitsa Janbatist, Kitcitsa
Pien gaie Pon Jezosan ka kitei mino anokitasago-
banenak, kakina saksing endadjik kitei gaganota-
masisate, (kin gaie, nose, gaganotamasicin.